

PRESS INFORMATION BUREAU
GOVERNMENT OF INDIA

SHILLONG

1. Name of the Newspaper : U Peitngor
2. Language : Khasi
3. Periodicity : Daily
4. Place of Publication : Shillong
5. Date : 27.07.2021
6. Page No. : 1,3

'Portal eSHRAM will benefit unorganized workers across India': Centre

Ka portal eSHRAM ban iarap ia ki brierw bym treikam sorkar

Shillong, Nailar 26: U Myntri ba dei peit ia ka Tnat Labour and Employment, u Bhupender Yadav mynta ka sngi u la plie ia ka portal e-Shram bad aiti ia ka sha ki Jylla/UT ha ka jingiadonlang u Rameswar Teli, Myntri Khyannah ba dei peit ia ka Tnat Labour & Employment bad Petroleum & Natural Gas.

"Ha ka sien banyngkong eh ha ka histori jong ka ri India, la wanrah ia ka rukom treikam ban kyntiew kyrteng ia 38 klur

Ka Portal kan iarap ban pynpoi skhim sha ki brierw ki bym treikam sorkar ha kylleng ka Ri: Bhupender

Ka jingkyntiew kyrteng ym donkam siew, kan wan wanrah jingkylla palat 38 klur ki brierw

ki brierw bym treikam sorkar. Kane kam dei tang ban kyntiew kyrteng ia ki hynrei kan long ruh ka jingmyntoi ban pynpoi ia ki skhim bapher ba la pynptreikam da ka sorkar Pdeng bad ki Sorkar Jylla,"

la ong u Myntri ba dei peit ia ka Tnat Labour da kaba ban ruh ba kane ka long sa kawei pat u mawmer ba kongsan sha ka jingpynurlong ia ka thong jong u Myntri Rangbah duh ka ri, u Narendra Modi

ha kaba iadei bad ka bha ka miat jong ki brierw ki bym treikam sorkar, kiba long ki nongtei ia ka ri.

Ha kane ka jingialang, u Bhupender Yadav u la ai khublei ruh ia u Myntri Rangbah duh ka ri na ka bynta ka jingpyllait T.2.0 lak ka Insurance ba ia dei bad ki jingia aksiden sha man ki brierw ki bym dei kiba treikam sorkar ha ka portal eSHRAM. Lada ki brierw ki bym treikam sorkar ki lah pynrunng kyrteng ialade ha ka portal eSHRAM bad lada ki khlad

lane kylla anna noh na ka jingia aksiden, kin ioh T. 2.0 lak bad T. 1.0 lak bad ka sorkar ka trei borbah ban peit ia ka bha ka miat jong kum kine ki nongtrei.

Haba ai jingkrean shaphang ki bynta jong ka portal eSHRAM, kaba long napdeng ka jingsaindur jong ka National Database na ka bynta baroh ki brierw ki bym treikam sorkar, u Rameswar Teli, Myntri Khyannah ba dei peit ia ka Tnat Labour & Employment bad

► SLA-3

Ka portal eSHRAM ban iarap ia

Petroleum & Natural gas, ula kyrpad ia ki brierw jong ka ri ban iashim bynta ha kane ka campaign bad ban pynrunng kyrteng ia baroh ki brierw ki bym dei kiba treikam sorkar ha ka portal E-Shram bad ban iatreillang ban pynurlong ia kane ka thong kaba kongsan jong ka Sorkar India.

Ha kane ka jingialang, ki Myntri ki la iakren ruh bad ki nongtrei na Ajmer, Dibrugarh, Chennai bad Varanasi lyngba ki Common Service Centre bad ki la iasam ia la ki jingshem bad ki jingangnud jong ki. U Yadav bad u Teli ruh ki la batai ia ki shaphang ki skhim Insurance ba ia dei bad ki jingia aksiden bad ki la batai ruh ia ki jingmyntoi na ka jingpynrunng kyrteng ha ka portal. Da kaba pynbna ba ka portal kan wanrah ia ka jingkylla kaba khrav ha ka histori jong ka ri, u Apurva Chandra, Secretary, Tnat Labour jong ka Sorkar Pdeng u la ong yn pynrunng kyrteng palat 38 klur ki nongtrei ha ka ri hapoh kawei ka portal bad ka jingpynrunng kyrteng hapoh ka portal e-SHRAM ka long kaba ioh ei bad ki nongtrei kim donkam ban siew pisa na ka bynta ka jingkyntiew kyrteng ia u ne ka ha ki Common Service Centre (CSC) lane na kano kano ka jaka.

U Chandra u la pynptip hadien ba la pynrunng kyrteng ki nongtrei kin ioh ia ka eSHRAM card kaba don u Universal Account Number (UAN) bad kin lah ban ioh ia ki jingmyntoi jong ki skhim bapher bapher lyngba kane ka Card na kano kano ka jaka bad ha kano kano ka por.

Ki Myntri ba dei peit ia ka Tnat Labour jong ki Jylla/UT ryngkat bad ki Chief Secretary, ki Additional Chief Secretary, ki Principal Secretary (Labour), ki Labour Commissioner jong baroh ki Jylla/UT ki la iasoh lang lyngba ka bor internet ha kane ka jingialang plie na ki jylla jong ki. Baroh ki field office jong ka Tnat Labour jong ka Sorkar Pdeng bad Sorkar Jylla ryngkat bad ki Regional Office jong ka EPFO bad ESIC ki la ia donlang ha kane ka jingialang. La iashim bynta ruh da palat 4 lak ki Common Service Centre (CSC) ha kane ka jingialang plie kiba don ka bynta kaba kongsan ha ka jingkyntiew kyrteng ia kine ki nongtrei.

Ia ka jingbatai shaphang ka portal la dep ban ai sha baroh ki Jylla/UT ha ka jingialang kaba nyngkong bad ba ar ha shuwa ban plie ia kane kaba la long ha u bnai Naitung bad Nailar. Ha kaba iadei bad kane, la dep ban pyllait ia ki jingbthah na ka bynta ka jingpynptreikam ia ka portal bad ka jingpynrunng kyrteng ia ki nongtrei sha ki Jylla/UT. Ha ka jingphaikhmat sha ka jinglong jingman jong ka COVID, la rai ban plie ia kane ka portal lyngba ka bor internet bad aiti pat sha ki jylla ban sdang ia ka kam pynrunng kyrteng ia ki brierw ki bym dei kiba treikam sorkar ha kylleng ka ri.

Ha ka 24 tarik Nailar, 2021 u Myntri Sorkar Pdeng ba dei peit ia ka Tnat Labour u la iakren bad ki nongialam jong ki Central Trade Union ba kynthup ia ka Bharatiya Mazdoor Sangh (MS), Indian National Trade Union Congress (INTUC), All India Trade Union Congress (AITUC), Hindu Mahasabha (HMS), Centre for Indian Trade Union (CITU), All India United Trade Union Centre (AIUTUC), Trade Union Coordination Centre (TUCC), Self-employed Women's Association (SEWA), United Trade Union Centre (UTUC), National Front of Indian Trade Unions (DHN).

Baroh ki nongialam jong ki kynhun Central Trade Union ki la pynpaw ba kane kan wanrah ka jingkylla kaba khrav na ka bynta ka bha ka miat jong ki nongtrei ki bym dei kiba treikam sorkar kiba long ruh ki nongtei ia ka jaitbynriew bad u la ong da kaba shai ba ki kynhun jong ki ba don ha ki jylla ha ki jylla kin ai ka jingkyrshan kaba pura sha kane ka kam kaba bha ban kyntiew kyrteng ia ki nongtrei ha ka portal e-SHRAM.